



COMUNU DE BIDDOBRANA

(PROVÌNTZIA DE ARISTANIS)

Ufìtziu Servìtzius Amministrativus

Bia Roma 24 - C.A.P. 09080

Tel. 0783/44104 44636

C.F. - P.00071740955 e-mail: info@comune.villaurbana.or.it

Prot. 5055

AVISU PÙBLICU

PO ASSINNAI BONUS ÌDRICUS DE APRETU PO IS IMPITADORIS DE SU SERVÌTZIU ÌDRICU INTEGRAU

S'Enti de Governu de s'Àmbitu de Sardigna (EGAS) at aprovau cun delìbera de su Comitau Istituzionali de Àmbitu n.23 de s' 8.07.2020 su Regulamentu po assinnai BONUS ìdricus de apretu po is impitadoris de su Servìtziu Ìdricu Integrau (SII) chi disciplinat sa cuncessioni de agevolamentus econòmicus comenti a arrimbursu tarifàriu straordinàriu in favori de is chi tzèrriant "impitadoris debilis" est a nai is nùcreus familliaris chi tenint sa residèntzia me in Comunas gestius de Abbanoa Spa chi s'agatant in cunditionis econòmicas malas po nexi ca ddis ant suspèndiu/ammenguau su traballu ponendi in pràtica is mesuras pigadas po non s'atacai apari su Covid19.

Cun sa delìbera in arremonu ant programmu de impreai is economias apuradas apitzus de is agevolamentus tarifàrius a caràteri sotziali po is annualidadis prima de cussa chi est fadendi-sì immui po assinnai is bonus in chistioni. Po tanti, sa summa aici scerada, dda ant spartzida intra de totu is Comunas chi pertocant s'àmbitu territoriali chi ddu sighit Abbanoa SpA cunforma a sa populatzioni residendi e a sa superfici territoriali, comenti mellus specificau in s'allegau B de sa delìbera, arremonada in susu, innui ndi bessit ca a su Comunu de Biddobrana ddi ant assinnau sa disponibilitadi de € 8.488,29.

S'ammitint a sa misura de su BONU de apretu is nùcreus familiaris titularis de utèntzias deretas o is chi tenint sa residèntzia in un'utèntzia non dereta chi faint parti de sa tipologia "*Usu in logu de domu residendi*" e chi tèngiant is rechisius chi funt in s'art. 4 de su Regulamentu arremonau, in prus de totu is chi:

- * funt residendi in unu Comunu gestius de Abbano SpA;
- * tenint unu cuntratu de frunidura de su servìtziu ìdricu integrau;
- * tenint un'inditadori ISEE de immui chi non sartat sa làcana de 15.000,00 èurus;
- * tenint unu inditadori ISEE de immui chi non sartat sa làcana de 20.000,00 incapitendi nùcreus assumancu cun 3 fillus a càrrigu (famìllia manna);
- * s'agatant in cunditionis econòmicas malas po mori de sa suspensioni/amenguamentu de su traballu ponendi in pràtica is mesuras po non s'atacai apari su Covid-19, chi est de nai in sa decraratzioni.

In su specificu, s'importu de su bonu de apretu chi spetat a ònnia beneficiàriu est paris a € 50,00 a cadunu de is chi cumponint su nùcreu familiari.

A s'istàntzia de ammissione, cumpilada e firmada comenti si depit. Tocat de auniri totu custus documentus.

- a) Fotocòpia de unu documentu de arreconoscimentu bàllidu de su chi fait rechesta;
- b) Còpia de una bulleta Abbanoa chi pertocat s'utèntzia e innui ndi bessit su **CÒDIXI CLIENTI**, su CÒDIXI PdE e s'indiritzu anca est potsa s'utèntzia ìdrica;
- c) Còpia de su documentu **ISEE DE IMMUI** bàllidu a sa at de intregai sa dimanda chi at lassau unu Centru de assistèntzia fiscali (CAF);
- d) informativa de sa privatesa de firmai e intregai impari a su mòdulu de dimanda,

Is rechestas de ammissioni a is Bonus de apretu fatas cun sa modulistica aprontada apostada e a disponimentu in su Comunu de Biddobrana e finas in su situ istituzionali www.comune.villaurbana.or.it si depint intregai aintru e sena de sartai su 30 de cabudanni de su 2020 cunforma a una de is tres maneras:

a) **A manu a s'ufitziu protocollu e su Comunu de Biddobrana;**

b) **A posta eletrònica certificada a 'indiritzu:protocollo@gec.comune.villaurbanator.it**

c) **A arracumandada A/R chi at a depi arribai a s'indiritzu: Comunu de Biddobrana bia de Roma n. 24 09080 Biddobrana aintru e sena de sartai su 30 de cabudanni de su 2020 po tanti, po si fai ammiti, no at a balli sa data de spedizioni de cussa etotu.**

Po informatzionis e crarimentus in prus asuba de sa manera de intregai is dimandas asuba de custu avisu fait a si inderetai a su Servìtziu Sotziali de su Comunu a is numerus: 0783.44104 — 0783/44636 - internu 2.

Custu avisu, impari a sa modulistica (regulamentu, mòdulu de dimanda, informativa privatesa), ddu ant publicau in su situ istituzionali de su Comunu de Biddobrana a s'indiritzu www.comune.villaurbana.or.it.

Biddobrana, su 10.08.2020

Sa Responsàbili de su Procedimentu
(Franca Melis)

SA RESPONSÀBILI DE SU SERVÌTZIU
(Rag. Maria Paola Deriu)